

საქართველოს იუსტიციის სამინისტრო
საქართველოს იუსტიციის სასწავლო ცენტრი
(საჯარო სამართლის იურიდიული პირი)



საქართველოს იუსტიციის სასწავლო ცენტრი
TRAINING CENTER OF JUSTICE OF GEORGIA

გამარტივებული ელექტრონული ტენდერის საშუალებით
სასტუმროს მომსახურების შესყიდვა

(CPV 55110000 - სასტუმროში დაბინავებასთან დაკავშირებული მომსახურება)

შესყიდვის სავარაუდო ღირებულება - 30 000 ლარი

წინამდებარე სატენდერო დოკუმენტაცია შედგენილია “სახელმწიფო შესყიდვების” საქართველოს კანონის 12¹ მუხლის, “გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.

ქ.თბილისი
2013 წელი

სატენდერო დოკუმენტაცია

1. ტექნიკური დავალება;
2. პრეტენდენტის მიერ სისტემაში ასატვირთი დოკუმენტების ნუსხა;
3. სახელმწიფო შესყიდვის შესახებ ხელშეკრულების პოექტი;
4. დანართი №1 მომსახურების ხარჯთაღრიცხვა
5. დანართი №2 რეკვიზიტები (ფორმა)



1. ტექნიკური დავალება:

1.1 სასტუმროს მომსახურება გულისხმობს არაუმეტეს 300 პერსონის უზრუნველყოფას სასტუმროში დაბინავებით (1 დღე-ღამით) ერთ ან ორ ადგილიან ნომრებში, ორჯერადი კვებით (საუზმე და ვახშამი), შემსყიდველი ორგანიზაციის მოთხოვნის შესაბამისად.

- სასტუმრო უნდა მდებარეობდეს ქალაქ თბილისში, შემსყიდველი ორგანიზაციის მისამართიდან (ქ. თბილისი, გორგასლის 24) არაუმეტეს 10 კილომეტრის საზოგადოებრივი ტრანსპორტით მისასვლელი გზის დაშორებით.
- სასტუმრო უნდა იყოს საშუალო კლასის (3 ვარსკვლავიანი ან უფრო მაღალი) და მასში განთავსებული უნდა იყოს სასაუზმე დარბაზი. შენობა არ უნდა იყოს განთავსებული საცხოვრებელი სახლის ნაწილში, მიწისქვეშ, სხვადასხვა ადმინისტრაციულ და საოფისე შენობაში.
- მომსახურება უნდა შეიცავდეს ორჯერად კვებას (საუზმე და ვახშამი).
- სასტუმროს ნომრები აღჭურვილი უნდა იყოს ინდივიდუალური აბაზანით, ტუალეტით, მუდმივი ცხელი და ცივი წყლით, გათბობისა და კონდიციონერის სისტემით, 24 საათიანი ელექტრო მომარაგებით, ტელევიზორით და ჰიგიენის საშუალებებით. მიმწოდებელმა სრულად უნდა უზრუნველყოს ნომრებში და მთლიანად სასტუმროს შენობაში სანიტარულ-ჰიგიენური ნორმების დაცვა. (სასტუმროს ნომრების დალაგება ყოველ დღე).

1.2 ყოველ ჯერზე სასტუმროში განთავსებული სტუმრების რაოდენობა და დაბინავების ხანგრძლივობა, ასევე ნომრებში ადგილების რაოდენობა (ერთ და ორ ადგილიანი) განისაზღვრება შემსყიდველი ორგანიზაციის მოთხოვნის შესაბამისად.

1.3 მიმწოდებელ ორგანიზაციას ერთდროულად უნდა შეეძლოს არანაკლებ 30 სტუმრის სასტუმროში დაბინავება. (ერთ შენობაში).

მომსახურების გაწევის პირობები:

სატენდერო დოკუმენტაციის ტექნიკური დავალებით გათვალისწინებული მომსახურება უნდა განხორციელდეს ხელშეკრულების გაფორმებიდან 2013 წლის 31 დეკემბრის ჩათვლით.

ანგარიშსწორების ფორმა და ვადები

1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში, 2013 წლის სახელმწიფო ბიუჯეტის სახსრებით.
2. მიმწოდებელთან ანგარიშსწორება განხორციელდება, ფაქტობრივად გაწეული მომსახურების შესაბამისად, შესაბამისი მიღება-ჩაბარების აქტის და შესაბამისი საანგარიშსწორებო დოკუმენტაციის წარმოდგენის შემდეგ, 30 (ოცდაათი) დღის განმავლობაში.
3. სატენდერო წინადადებაში საერთო და ერთეულის ფასი უნდა მოიცავდეს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ ყველა ხარჯს და საქართველოს კანონმდებლობით გათვალისწინებულ ყველა გადასახადს.
4. წინასწარი ანგარიშსწორება არ განიხილება.

დამატებითი ინფორმაცია

1. პრეტენდენტს არა აქვს უფლება წარმოადგინოს ალტერნატიული სატენდერო წინადადება.
2. დაინტერესებულ პირებს დამატებითი ინფორმაციის მისაღებად შეუძლიათ მიმართონ სსიპ საქართველოს იუსტიციის სასწავლო ცენტრის თანამშრომლებს:

ოთარ ფერაძე - ტელ: 5 77 502 802; 294 22 70; ელ ფოსტა: opheradze@justice.gov.ge

ანა ხუციშვილი - ტელ: 577 77 55 86; ელ ფოსტა: anakhutsishvili@justice.gov.ge

2. პრეტენდენტის მიერ სისტემაში ასატვირთი დოკუმენტების ნუსხა:

- მომსახურების ხარჯთაღრიცხვა დანართი №1-ის მიხედვით;
- რეკვიზიტები დანართი №2-ის მიხედვით;

შენიშვნა: პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.



სახელმწიფო შესყიდვის შესახებ ხელშეკრულების პროექტი

წინამდებარე ხელშეკრულების პროექტის დებულებები, გარდა სატენდერო დოკუმენტაციი ტექნიკური დავალებით გათვალისწინებული აუცილებელი პირობებისა, არ არის სავალდებულო. ისინი ზუსტდება გამარჯვებული პრეტენდენტის სატენდერო წინადადების საფუძველზე. გამარჯვებულ პრეტენდენტთან მოლაპარაკების შედეგად მიღწეული შეთანხმებით შეიძლება დაზუსტდეს წინამდებარე ხელშეკრულების პროექტის დებულებები ისე, რომ არ ეწინააღმდეგებოდეს სატენდერო წინადადებას და სატენდერო დოკუმენტაციაში ასახულ სავალდებულო პირობებს.

ხელშეკრულება სახელმწიფო შესყიდვების შესახებ №

ქ.თბილისი

.2013წ.

ჩვენ, ქვემოთ ხელის მომწერნი, ერთი მხრივ, სსიპ საქართველოს იუსტიციის სასწავლო ცენტრი - , (შემდგომში - შემსყიდველი ორგანიზაცია), წარმოდგენილი მისი დირექტორის ნინო ბერუაშვილის სახით და მეორეს მხრივ, (შემდგომში - მიმწოდებელი), წარმოდგენილი მისი დირექტორის სახით, სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-15 მუხლის პირველი პუნქტისა და 2012 წლის გამოცხადებულ გამარტივებულ ელექტრონულ ტენდერში (№SPA) გამარჯვებულიტექნიკური დოკუმენტაციის საფუძველზე, ვდებთ ამ ხელშეკრულებას შემდეგზე:

I. ხელშეკრულების საგანი

- 1.1 ხელშეკრულების საგანია სასტუმროს მომსახურების (№CPV-551100000) (შემდგომში - შესყიდვის ობიექტი) შესყიდვა.
- 1.2 სასტუმროს მომსახურება გულისხმობს სასტუმრო დაბინავებასთან დაკავშირებული მომსახურების გაწევას არაუმეტეს 300 პერსონისათვის, ასევე შემსყიდველი ორგანიზაციის შესაბამისად არაუმეტეს 300 პერსონისათვის საუზმისა და ვახშმის უზრუნველყოფას.

II. შესყიდვის ობიექტის ღირებულება

- 2.1. შესყიდვის ობიექტის ღირებულება შეადგენს ლარს, რომელიც ითვალისწინებს შესყიდვის ობიექტის მიმწოდებლისთვის საჭირო ყველა ხარჯს, ასევე საქართველოში მოქმედი კანონმდებლობით დადგენილ ყველა გადასახადს, დღგ-ს ჩათვლით.
- 2.2. ხელშეკრულების საერთო ღირებულება უნდა შემცირდეს თუ შემსყიდველი ორგანიზაცია, ხელშეკრულების მოქმედების პერიოდის განმავლობაში მოითხოვს, ხელშეკრულების დანართი #1-ის შესაბამისად ნაკლებ მომსახურებას, რაც გაფორმდება შესაბამისი შეთანხმებით.

III. შესყიდვის ობიექტის მიწოდების ვადები და ადგილი

- 3.1. შესყიდვის ობიექტის მიწოდება განხორციელდება ხელშეკრულების გაფორმებიდან 2013 წლის 31 დეკემბრის ჩათვლით.
- 3.2. შესყიდვის ობიექტის მიწოდების ადგილია: ქალაქი თბილისი.

IV. შესყიდვის ობიექტის მიღება-ჩაბარების წესი

- 4.1. შესყიდვის ობიექტი ჩაითვლება მიღებულად მისი ფაქტობრივი მიწოდების და მხარეთა შორის შესაბამისი მიღება-ჩაბარების აქტის გაფორმების შემდეგ.

V. ანგარიშსწორების ფორმა, ვადა და ადგილი

- 5.1. მიმწოდებელთან ანგარიშსწორება განხორციელდება ლარებში სახელმწიფო ბიუჯეტის სახსრებიდან.
- 5.2. მიმწოდებელს შესყიდვის ობიექტის ღირებულება აუნაზღაურდება უნაღდო ანგარიშსწორებით, შესყიდვის ობიექტის ფაქტობრივად მიწოდების გათვალისწინებით შესაბამისი მიღება-ჩაბარების აქტის გაფორმებიდან 30 (ოცდაათი) დღის განმავლობაში.
- 5.3. ანაზღაურების ადგილია ქ.თბილისი.

VI. მხარეთა უფლება-მოვალეობანი

- 6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.
- 6.2. შემსყიდველი ორგანიზაცია ვალდებულია:
- ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება.
- 6.3. შემსყიდველ ორგანიზაციას უფლება აქვს:
- განახორციელოს ინსპექტირება მიმწოდებლის მიერ ხელშეკრულებით ნაკისრი ვალდებულებების შესრულებაზე;
 - მოსთხოვოს მიმწოდებელს მიწოდებული შესყიდვის ობიექტის ინსპექტირების შედეგად გამოვლენილი დეფექტების აღმოფხვრა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.
- 6.4. მიმწოდებელი ვალდებულია:
- მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;
 - შესაბამისი წერილობითი შეტყობინებიდან 2 (ორი) დღის ვადაში საკუთარი ხარჯებით უზრუნველყოს მომსახურების ინსპექტირების შედეგად გამოვლენილი ხარვეზების აღმოფხვრა;
 - მიაწოდოს სტუმრებს საკვებად ვარგისი და ჯამრთელობისთვის უვნებელი კვების პროდუქტებისაგან დამზადებული კერძები.
- 6.5. მიმწოდებელს უფლება აქვს:
- მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

VII. ხელშეკრულების ინსპექტირების პირობები

- 7.1. ხელშეკრულების შესრულების ხელშეკრულების პირობებთან შესაბამისობაზე ინსპექტირებას განახორციელებს შემსყიდველი ორგანიზაციის წარმომადგენელი/წარმომადგენლები.

VIII. მხარეთა პასუხისმგებლობა ხელშეკრულების პირობების დარღვევისას

- 8.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის მოქმედი კანონმდებლობის შესაბამისად.
- 8.2. თუ ხელშეკრულების ერთი მხარე ხელშეკრულებით გათვალისწინებულ ვადაში არ ასრულებს ან არაჯეროვნად ასრულებს ხელშეკრულებით ნაკისრ ვალდებულებას, მეორე მხარე წერილობითი ფორმით უწესებს მას დამატებით ვადას ხელშეკრულებით გათვალისწინებული პირობების შესრულებისათვის.
- 8.3. ხელშეკრულების ერთი მხარის მიერ დამატებით ვადაში ვალდებულების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.
-

- 8.4. ხელშეკრულების მხარეს, მის მიერ შესყიდვის ობიექტთან დაკავშირებული ვალდებულების შესრულების ვადის გადაცილების შემთხვევაში, დაეკისრება პირგასამტეხლო ყოველ ვადაგადაცილებულ დღეზე შესყიდვის ობიექტის საერთო ღირებულების 0.2 პროცენტის ოდენობით.
- 8.5. თუ ერთი მხარისთვის დაკისრებული პირგასამტეხლოს ჯამური თანხა გადააჭარბებს შესყიდვის ობიექტის საერთო ღირებულების 2 (ორი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

IX. ფორს-მაჟორული სიტუაციები

- 9.1. მხარეები პასუხისმგებელნი არ არიან თავიანთ ვალდებულებათა სრულად ან ნაწილობრივ შეუსრულებლობაზე, თუ ის გამოწვეულია ისეთი გარემოებებით, როგორიცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, რომლებიც უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევეს შესაბამისი დროით, ხელისშემშლელ გარემოებათა აღმოფხვრის შემდეგ.
- 9.2. თუ ფორს-მაჟორული გარემოებების გამო სახელშეკრულებო ვალდებულებების მთლიანი ან ნაწილობრივი შეუსრულებლობა გრძელდება ორ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე. მხარე, რომელსაც შეექმნა ფორს-მაჟორის გარემოება, დაუყოვნებლივ აცნობებს ამის შესახებ მეორე მხარეს.

X. ხელშეკრულების პირობების გადასინჯვა

- 10.1. ხელშეკრულებების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს 10%-ისა.
- 10.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

XI. ხელშეკრულების მოქმედების ვადა

- 11.1. ხელშეკრულება ძალაშია მხარეთა მიერ მასზე ხელმოწერის დღიდან და მოქმედებს 2013 წლის 31 დეკემბრის ჩათვლით.

XII. დავა და მისი გადაწყვეტის წესი

- 12.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკებების საფუძველზე.
- 12.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს კანონმდებლობით დადგენილი წესით.

XIII. სხვა პირობები

- 13.1. საკითხები, რომელიც არ არის გათვალისწინებული ამ ხელშეკრულებით, რეგულირდება საქართველოს კანონმდებლობით დადგენილი წესით.
- 13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 13.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 13.4. ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
-

***XIV. მხარეთა იურიდიული მისამართები და რეკვიზიტები, მხარეების წარმომადგენელთა
ხელმოწერები, ბეჭედი***

სსიპ „საქართველოს საქართველოს იუსტიციის სასწავლო ცენტრი“

თბილისი, გორგასლის ქუჩა №24

საბანკო რეკვიზიტები: სახელმწიფო ხაზინა - TRESGE22

ხაზინის ერთიანი ანგარიში - 200122900

საიდენტიფიკაციო კოდი: 204423230

დირექტორი

ნინო ბერუაშვილი



მომსახურების ხარჯთაღრიცხვა

ორგანიზაციის დასახელება -----

სასტუმროს დასახელება და ადგილმდებარეობა	მომსახურების აღწერა	განზომილების ერთეული	სასტუმროს ნომრის ღირებულება 1 დღეზე რაოდენობა	ერთეულის ფასი	საერთო ღირებულება	მომსახურების გაწევის ვადები	მომსახურების გაწევის ადგილი
	ერთი ან ორ ადგილიანი სასტუმრო ოთახით მომსახურება (ორჯერადი კვება: საუზმე და ვახშამი)	1 პერსონის უზრუნველყოფა ერთი ან ორ ადგილიანი სასტუმრო ოთახით (ორჯერადი კვება: საუზმე და ვახშამი)	300 პერსონის უზრუნველყოფა ერთი ან ორ ადგილიანი სასტუმრო ოთახით (ორჯერადი კვება: საუზმე და ვახშამი)			მომსახურება უნდა განხორციელდეს ხელშეკრულების გაფორმებიდან 2013 წლის 31 დეკემბრის ჩათვლით	ქ. თბილისი

ხელმოწერა -----

ბ.ა.



პრეტენდენტის იურიდიული ფორმა და დასახელება:	
ხელმძღვანელის სახელი და გვარი:	
პრეტენდენტის იურიდიული ან/და ფაქტიური მისამართი:	
საიდენტიფიკაციო კოდი:	
პრეტენდენტის ტელეფონის ნომერი:	
ელექტრონული მისამართი:	
ბანკის დასახელება:	
ბანკის კოდი:	
ანგარიშის ნომერი:	

ხელმოწერა -----

ბ.ა.

